

史學輯佚文獻彙編

翟金明 主編

國家圖書館出版社

56

魯世家索隱

二諸侯年表引同

穀梁疏

名軌左桓元年正義

名軌左閔元年正義

名軌左閔元年正義

史學輯佚文獻彙編

56

中華書局出版

明倫彙編

第五十六冊目錄

載記類(十)

十六國春秋輯補一百卷年表一卷(卷三十一—七十二) (後魏)崔鴻撰 (清)湯球輯

卷三十一		一
卷三十二		一三
卷三十三		三一
卷三十四		五一
卷三十五		六九
卷三十六		八五
卷三十七		一〇五
卷三十八		一一七
卷三十九		一四一
卷四十		一五五

卷四十一		一七一
卷四十二		一八三
卷四十三		一九五
卷四十四		二〇七
卷四十五		二二一
卷四十六		二三七
卷四十七		二五一
卷四十八		二六一
卷四十九		二六三
卷五十		二七三
卷五十一		二八九
卷五十二		三〇五
卷五十三		三二一
卷五十四		三三三
卷五十五		三四三
卷五十六		三五五
卷五十七		三六五

卷五十八	·····	三七三
卷五十九	·····	三八三
卷六十	·····	三八九
卷六十一	·····	四〇一
卷六十二	·····	四一三
卷六十三	·····	四二五
卷六十四	·····	四二九
卷六十五	·····	四四一
卷六十六	·····	四五五
卷六十七	·····	四五九
卷六十八	·····	四七三
卷六十九	·····	四八七
卷七十	·····	四九五
卷七十一	·····	五〇五
卷七十二	·····	五一九

十六國春秋輯補卷三十一

黠縣湯球誤

前秦錄

苻洪

苻洪字廣世略陽臨渭氏人也其先蓋有扈氏之苗裔子孫強

盛世爲西戎酋長

一作世爲氏酋

其後家池中生蒲長五丈節如竹形

時咸異之謂之蒲家因以爲氏焉父懷歸爲部落小帥母姜氏

因寢產洪驚悸而寤

此二句亦見御覽四百六十五

先是隴右大雨霖百姓苦

之謠曰雨若不止洪水必起故因名之曰洪年十二父卒代爲

部帥好施

一作好學

多權略驍武善騎射屬永嘉

一作劉氏

之亂乃散千

金招延俊傑訪安危變通之術戎晉襁負奔之宗人蒲光蒲突

車和卷三十一
遂推洪爲盟主劉聰遣使拜平遠將軍不受自稱護氏都尉秦
州刺史略陽公劉曜僭號長安光等逼洪歸曜拜率義族羣氏
推爲首劉曜以洪爲氏王及曜敗於洛陽洪率部人西保隴山
石虎將軍攻上邽洪詣虎降虎大悅親出迎之拜冠軍將軍監
六夷諸軍事委以西方之事封涇陽伯趙建平四年石生起兵
於關中洪遂西結張駿自稱晉北平將軍雍州刺史石虎之滅
石生也洪率戶二萬下隴東如馮翊虎拜洪護氏校尉進爵爲
侯洪說虎宜徙關中豪傑及羌戎內實京師虎從之徙秦雍州
民羌十餘萬於關東遷洪爲龍驤將軍流民都督處於枋頭從
征段遼累有戰功進封西平郡公其部曲賜爵關內侯者二千
餘人以洪爲關內領侯將冉閔言於虎曰苻洪雄果其諸子並

非常才宜密除之虎待之愈厚佛圖澄言苻氏有王氣虎陰欲殺之洪稱疾不朝太寧元年進位侍中車騎大將軍開府儀同三司雍州刺史進封本國略陽郡公及石遵卽位閔又以爲言遵乃去洪都督餘如前洪怨之乃遣使降晉後石鑒殺遵所在兵起洪有眾十餘萬永和六年帝以洪爲征北大將軍都督河北諸軍事冀州刺史廣川郡公時姚弋仲亦圖據關中恐洪先之遣子襄率眾五萬來伐洪洪逆擊敗之於是安定梁楞等並關西民望說洪曰今胡運已終中原喪亂明公神武自天必繼蹤周漢宜稱尊號以副四海之望洪亦以讖文有草付應王又其孫堅之生背有艸付字遂改姓苻氏自稱大將軍大單于三秦王洪謂博士胡文曰孤率眾十萬居形勝之地且閔慕容儁

可指辰而殄姚襄父子克之在吾數中孤取天下有易於漢祖
矣初趙將軍麻秋西鎮枹罕聞幷閔之亂率眾歸鄴洪使子龍
驤雄逆擊獲之以秋爲軍師將軍秋說洪西都長安洪深然之
已而秋因讎酖洪將幷其眾世子健收而斬秋洪將死謂健曰
所以未入關者言中州可指辰而定今見困豎子中原非汝兄
弟所能辦關中周漢舊都形勝之國吾亡後便可鼓行而西言
終而薨年六十六健僭位僞諡惠武帝

苻健

苻健字建業洪第三子也初母羌氏夢感大羆而孕之健生之
夜洪夢族曾氏王蒲健謂之曰是兒興家門可以吾名字之於
是名羆字世健後避石虎外祖張羆之名故改焉及長勇果便

弓馬好施善事人甚爲石虎父子所親愛虎雖外禮苻氏心實忌之乃陰殺其諸兄而不害健也及洪死健嗣位去秦王之號稱晉爵遣使告喪於京師且聽王命時京兆杜洪竊據長安自稱晉征北將軍雍州刺史戎夏多歸之健密圖關中懼洪知之乃僞受石祗官繕宮室於枋頭課所部種麥示無西意有知而不種者健殺之以徇晉永和六年自稱晉征西大將軍都督關西諸軍事雍州刺史於是盡眾西行至盟津起浮橋以濟遣其弟雄率步騎五千入潼關兄子菁自軹關入河東健執菁手曰事若不捷汝死河北我死河南比及黃泉無相見也濟訖焚橋自統大眾繼雄而進杜洪遣其將張先要健於潼關健逆擊破之健雖戰勝猶修賤於洪并送名馬珍寶請至長安上尊號洪

曰幣重言甘誘我也乃盡召關中之眾來距健筮之遇泰之臨健曰小往大來吉亨昔往東而小今還西而大吉孰大焉是時眾星夾河西流占者以爲百姓還西之象健遂進軍次赤水遣雄略地渭北又敗張先於陰槃擒之諸城盡陷菁所至三輔堡壁悉降三輔略定健引兵至長安洪奔司竹十一月健入都長安遣使獻捷京師并脩好於桓溫於是健軍師將軍左長史賈玄碩等依諸葛亮劉備故事表健爲侍中大都督關中諸軍事大單于秦王健怒曰我官位輕重非若等所知旣而潛使諷玄碩等使上尊號玄碩等乃上尊號健僞讓再三乃從之

辛亥
皇始元年

晉永和七年

僭卽天王位於南郊僭稱天王大單

于大赦境內死罪改晉永和七年爲皇始元年追尊父洪爲太

祖武惠皇帝繕宗廟社稷置百官於長安立妻強氏爲天王皇
后子長爲天王皇太子靚爲平元公生爲淮南公弟雄爲丞相
都督中外諸軍事車騎大將軍領雍州刺史東海公其餘封授
各有差初杜洪之奔也招晉梁州刺史司馬勳至是勳率步騎
三萬自漢中入秦川健拒之五丈原勳敗還此節亦見御覽五十七引是歲
野蠶成繭野禾被原百姓採野繭而衣收野粟而食關西家給
人足

壬子二年正月丞相雄等固請宜依漢晉兼皇王之美不可過自
謙沖同趙之初號健從之以永和八年僭卽皇帝位於太極前
殿大赦諸公進爵爲王以大單于授其子萇立五等之封以次
進之杜洪屯宜秋爲其將張琚所殺琚自立爲秦王置百官健

率步騎二萬攻張琚於宜秋斬其首還登石安原而歎曰美哉

斯原也悵然有終焉之志

此節依御覽五十七引校補

健至自宜秋遣雄菁

率眾掠關東并援石季龍豫州刺史張遇於許昌與晉鎮西將軍謝尙戰於潁水之上王師敗績雄乘勝逐北至於壘門殺傷大半遂虜遇及其眾歸於長安拜遇司空以楊羣爲豫州刺史鎮許昌雄攻王擢於隴上擢奔涼州雄退屯隴東

癸丑

三年正月下書曰其自公卿已下歲舉賢良方正孝廉清才

多略博學秀才異行各一人或獻書規諫或面陳朕過其悉以聞勿拘貴賤張重華拜王擢爲征東大將軍使與其將張弘宋修連兵伐雄雄與菁率眾擊敗之獲弘修送長安初張遇自許昌來降健納遇後母韓氏爲昭儀每於眾中謂遇曰卿吾子也

遇慚恨引關中諸將欲以雍州歸順乃與健中黃門劉晃謀夜襲健事覺遇害於是孔特起池陽劉珍夏侯顯起鄠喬景起雍胡陽赤起司竹呼延毒起羈城眾數萬人並遣使詣征西桓溫中軍殷浩請救雄遣菁掠上洛郡於豐陽縣立荊州以引南金奇貨弓竿漆蠟通關市來遠商於是國用充足而異賄盈積矣

甲寅四年

晉永和十年

溫率眾四萬趨長安遣別將入浙川攻上

洛執健荊州刺史郭敬而遣司馬勳掠西鄙健遣其子萇率雄菁等眾五萬距溫於堯柳城愁思堆溫轉戰而前次於灞上萇等退營城南健以羸兵六千因守長安小城遣精銳三萬爲游軍以距溫三輔郡縣多降於溫健別遣丞相雄領騎七千與桓沖戰於白鹿原晉師敗績

此節亦見御覽五十七

又破司馬勳於子午谷

初健聞溫之來伐也芟麥清野以待之故溫掠無所得軍人大

飢

此節亦見御覽
八百三十八

至是徙關中三千餘戶而歸及至潼關又爲

萇等所敗司馬勳奔還漢中丞相東海王雄卒贈相國進封魏

王謚敬武王雄字元才洪之季子也少善兵書而多謀略好施

下士便弓馬有政術趙建武中以功拜龍驤將軍雄貌醜頭大

而足短軍中稱爲大頭龍驤征伐皆有殊績

此節亦略見御覽
二百七十

健僭位爲佐命元勳權侔人主而謙恭奉法健甚重之常曰元才

吾之姬旦也及卒健哭之歐血曰天不欲吾定四海邪何奪元

才之速也子堅

據纂錄本則小傳自附於此
而載記附大傳後今取補足

其年西虜乞沒軍

邪遣子入侍健於是置來賓館於平朔門以懷遠人起靈臺於

杜門與百姓約法三章薄賦卑宮垂心政事優禮耆老修尚儒

學而關右稱來蘇焉

乙卯

五年新平有長人見語百姓張靖曰苻氏應天受命令當太

平外面者歸中而安泰問姓名弗荅俄而不見新平令以聞健以爲妖下靖獄會大雨霖河渭溢蒲津監寇登得一履於河中

長七尺三寸人跡稱之指長尺餘文深一寸健歎曰覆載之內

何所不有

此節亦見御覽一百六十四

張靖所見定不虛也赦之蝗蟲大起

自華澤至隴山食百草無遺牛馬相噉毛猛獸及狼食人行路

斷絕健自蠲百姓租稅減膳徹懸素服避正殿初桓溫之入關

也其太子萇與溫戰爲流矢所中死六月立其子淮南王生爲

皇太子六月健寢疾萇勒兵入東宮將殺苻生自立時生侍健

疾萇以健爲死迴攻東掖門健聞變升端門陳兵眾皆舍杖逃

散執菁殺之數日引太師魚遵丞相雷弱兒太傅毛貴司空王
隨等屬以後事受遺輔政乙酉薨於太極前殿時年四一作十
九在位四當作五年葬原陵偽謚明皇帝廟號世宗永興初追尊
曰景明皇帝廟號高祖

同邑黃士陵初校

陽湖吳翊寅覆校

十六國春秋輯補卷三十一